

28.03.1882

Zakładny kamjeń za Baćonsku cyrkej	Grundstein für die Storchauer Kirche
Radworscy wosadni darichu w lěće 1882 zakładny kamjeń za Baćonsku nowu cyrkej. Tu posłowny cc z Katolskeho posoła z měrca 1882: Zakładny kamjeń Baćonskeje cyrkwje Zajimawu nowinku roznjese KP lěta 1882 po Serbach. Tu ju maće! Štož so lěta 1876 na namjet Mikławša Mišnarja Radworskeho wobzamkny, dokonja so 28. Měrcu l. 1882. W skale „na wincach« Mikławš Wjerab Chelnjanski a Jan Rječka Radworski 9. měrcu přihódny kamjeń wotkłaštaj; Jan Wjerab Łupjanski a Pětr Wjerab Chelnjanski jón wobdypaštaj. 27. měrcu popołdnju kamjeń ze skały zwalachu a na wóz Jana Mjenja Chelnjanskeho zběžechu a z fararjowymaj konjomaj do Radworja dowjezechu. Wutoru dopołdnja (28. měrcu) kamjeń z plećwami wobwěšachu; popołdnju štwórc na dvě konje Jana Mjenja a Korle Wanaka z Chelna zapřežechu a kamjeń ze wsy wjezechu. Prědku jěchachu: Jan Cyž, Aug. Mišnar, Michał Połlenk z Radworja a Pětr Křižan z Bronja. Zady wjezeše Michał Šćěpan z Radworja pomocnikow (6 muži) a wšelake džělačerski naporjad. Jasny zwuk cyrkwinskih zwonow přewodžachu zakładny kamjeń přejo sej, zo bychu so bórže zynki susodneje Baćonskeje cyrkwje k nim znošowale. Wot Haslowa do Baćonja witachu sylne wrjeski skalnych wutřelow a ručnych třělbow zakładny kamjeń; na twarnišću jón z woza wzachu. W Radworju pomhachu: Jan Cyž z wotročkom, Hałkec Mikławšom, fararjec wotročk Handrij Kral a pohonč Handrij Šołta, Jan Buk, Mich. Poleńk, Aug. Mišnar, Mikł. Kubańk, Mikł. Šołta, Mich. Čemjer, Mikł. Bjarš, Jan Rostok a Mikł. Hantuš z Radworja, Mikł. a Pětr Wjerabaj z Chelna; w Baćonju: Mich. Čemjer, Mikł., Šołta, Mikł. Kubańk, Jan Rječka, Jan Rostok z Radworja a Mikł. Wjerab z Chelna. KP 1882, 66	nem

From:

<http://82.165.187.122/> - Radibor - Chronik

Permanent link:

http://82.165.187.122/doku.php?id=28.03.1882_grundtein_storcha&rev=1662050720

Last update: 2022/09/01 16:45

